



Darut-tevhid

Dan zaljubljenih

♥ *na vagi šerijata* ♥

Muhammed
Salih El-Munedždžid



*Dan
zaljubljenih*

♥ *na vagi šerijata* ♥

NASLOV ORIGINALA:

Hukmul-ihfali bi 'idil-hubb حكم الاحتفال بعيد الحب

NASLOV NA BOSANSKOM:

Dan zaljubljenih na vagi šerijata

AUTOR:

Muhammed Salih El-Munedžžid

PRIJEVOD S ENGLESKOG:

Ebu Abdullah

RECENZIJA:

Haris A. Bećović

DIZAJN KORICE & DTP:

ProDesign387

IZDAVAČ

Darut-tevhid



Darut-tevhid

Dan zaljubljenih

♥ *na vagi šerijata* ♥

Muhammed Salih El-Munedždžid

Živinice 2022.



Riječ recenzenta

Sva zahvala pripada Uzvišenom Allahu, Gospodaru svih svjetova, čijim se blagodatima upotpunjavaju dobra djela, i neka je salavat i selam na Allahovog Poslanika, Muhammeda, sallallahu alejhi ve sellem, njegovu časnu porodicu, ashabe i sve one koji ih slijede u dobru do Sudnjega dana.

A zatim: Uzvišeni Allah nam je odabrao islam kao vjeru, kao što je rekao Uzvišeni: “***A onaj koji želi neku drugu vjeru osim islama, neće mu biti primljena, i on će na onom svijetu nastradati.***” (Prijevod značenja: Ālu-’Imrān, 85.)

A Vjerovjesnik, sallallahu alejhi ve sellem, nas obavještava da će neki od pripadnika njegova ummeta slijediti Allahove neprijatelje u nekim njihovim obi-

lježjima i navikama, a to se prenosi u hadisu Ebu-Sei'da el-Hudrija, radijallahu anhu, koji prenosi od Vjerovjesnika, sallallahu alejhi ve sellem, da je rekao: *„Zaista ćete slijediti običaje onih prije vas pedalj po pedalj, i lakat po lakat. Kada bi ušli u gušterovo gnijezdo i vi biste to učinili slijedeći ih.“* Ashabi rekoše: *„O Allahov poslanice, (da li misliš na) jevreje i kršćane?!“* Reče: *„Pa koga drugog!“* (Buhari, Sahih, br. 7319)

I zaista se je obistinilo ono o čemu nas je obavijestio Vjerovjesnik, sallallahu alejhi ve sellem, tako da se u skorije vrijeme u mnogim islamskim zemljama, raširilo to da veliki broj muslimana slijedi Allahove neprijatelje u mnogim njihovim običajima i ponašanju, oponašajući ih u nekim njihovim obredima, te slavljaju njihovih praznika.

Ovo se je desilo kao rezultat materijalnog procvata, i dugogodišnjeg napretka kojeg je Allah omogućio čovječanstvu, a to je bio i razlog velikog odskoka zapadnih, kršćansko-sekularističkih zemalja, u skorijoj

prošlosti, što je bilo direktno iskušenje mnogim muslimanima, posebno nakon slabljenja imana u njihovim srcima i rasprostranjenosti neznanja o šerijatskim propisima.

A ono što je povećalo ovu nesreću jeste medijski procvat među mnogim narodima, tako da su se počela prenositi nevjernička obilježja i običaji, uljepšani i nakićeni, bilo glasom ili uživo putem slike, iz njihovih sredina u muslimanska područja koristeći pri tome satelitske kanale ili internet mreže, tako da su time bili zavedeni mnogi muslimani.

Posljednjih godina se raširila jedna stvar među muslimanskom omladinom, bilo muškarcima ili ženama, koja ne obećava ništa dobro, a izražava se u oponašanju nevjernika u obilježavanju Dana zaljubljenih ili tačnije rečeno Dana bluda i nemorala.

To biva uzrokom da se islamski učenjaci oglašavaju pojašnjavajući šerijatski propis toga djela, želeći time dati savjet svojoj braći vjernicima kako bi musliman

imao jasnu predstavu o tome i da ne bi zapao u nešto što može naštetiti njegovoj akidi (vjerovanju) kojom ga je Allah obdario.

Pred vama je nesvakidašnje djelo uvaženog učenjaka šejha Muhammeda Saliha Munedždžida, kao doprinos na polju upozoravanja onoga što šteti muslimanima uopćeno, a posebno omladini kako bi sačuvali svoju vjeru i moral.

Molim Uzvišenog Gospodara da nagradi uvaženog šejha Muhammeda najljepšom nagradom, prevodioca i sve one koji su na bilo koji način učestvovali u ovom projektu, te da to nađu na Vagi dobrih djela na Sudnjem danu, kao što molim Uzvišenog da se muslimani okoriste od ovog djela i bude dokaz za nas a ne protiv nas.

Haris A. Bećović

Rijad, 11.06.1443. / 14.01.2022.